

補

勤

詩

存

補勤詩存卷之六

山陰 陳錦 畫卿

閒居遣興上 甲子乙丑

滬上從軍兼司權算埋頭塵俗瞬歷三年歲甲子
落職閒居閉門杜客每念生平著述一事無成斷
簡殘編半淪兵火存者惟詩五卷子懷耿耿未盡
其長乃晨夕續成之舊藁多出悼亡後自號補琴
至是乃改號補勤以懲惰也顧抑鬱無聊語不暇
擇得詩二卷爲閒居遣興

補勤自勵詩

時夢有人示予以補勤二字者覺而警悟因以爲號云

著書昔苦早讀書今苦老將壽補嗟陀有生半潦草一

情百過叢一勤萬事了且將故我論是用憂心消古訓
掠皮毛冬烘熱頭腦十年兒女癡廿載科名擾未許布
衣終焉得菜根酸饑驅祿養遲家食書傭少亂離安可
知富貴同不係何當生李郭可惜死管鮑胸中礪魄大
眼底風塵飽窮途始求官強仕未聞道差幸骨肉完更
喜槐槍埽故態萌疏狂世情隔絲縵昂首逐奔駒斂翼
鄙寒鳥名高數益奇才多患不小所言躡古人此忌中
大造迴看一滄桑備嘗百顛倒駢首爲之星朱顏不其
槁入夢遺莊周書空咄般浩千載良可期寸陰豈及寶
乘時再習勤補拙莫逞巧老至病未能勤遲補亦好愁
中詩大來身外物俱藐得意生精神忘年足壽考名言

藥石投舊感人琴杳燈前無偶吟亂後未焚藁號稱補

勤子一編常在抱

陳烈婦殉節圖三

蕭山郁史卿孝廉昌耿室殉節事在辛酉九月

綠珠忽已死高樓今尙存鏗然擲雙壁一躍銷芳魂並墮樓瓦不可全玉可碎烈婦小字玉玉山傾倒渾如醉置身

百尺齊雲天撒手紅塵空罍礙

一墜樓復蘇

一身多係戀常苦束縛牢翦除萬念斷賴有并州刀霜

鋒凜凜一寸鐵寸鐵衝喉寸心割錚然落地作金聲血

灑妝臺滿匳碧

二利翦刺喉

一死苦不得再死拌殘生怒髮指狂寇餘創猶未平慷慨捐軀矢從一白刃銜胸口罵賊蒼涼頸血噴豺狼馬

革裏屍葬纖骨

三罵賊
過害

讀李長吉詩

昨夜吟詩月過午天光如水浸庭戶
曉涼刺背顛毛豎
潮聲喧枕鳴雷鼓
饑蟻坏戶栖老塵
蟄龍露爪擎行雲
寒螿哽咽嗥秋墳
梅花姑射竹湘君
李廣不封非不武
介推將隱焉用文
開卷優然見長吉
千年錦囊血猶熱
令我骨寒齒冷腸欲絕
古人數奇已如斯
吾儕惘惘將何之
莫教倉頡再作字
但願子固不能詩

續篋篋引

公母渡河公竟渡河河中百萬蛟龍鼉炬目睽陽鋸齒
磨揚鬚布吻神鬼呵吞舟大腹葬人多急流不退生風

波渡河而死柰公何

公母渡河公竟渡河河中樓舫織如梭蓬篙肉搏風檣
摩吳兒角技弄潮歌力爭上游操干戈同舟敵國況其
他渡河而死柰公何

公母渡河公竟渡河河中巨浪翻白鷺利石如刀橫差
峩漫漫雲水張網羅翩翩文鷁中飛落漏卮不塞成湧
沱渡河而死柰公何

公母渡河公竟渡河河中舟子舞婆娑一夫拽舵百纜
拖僵龍浮海魚鰕馱爪牙不力進止頗擎天赤手無斧
柯渡河而死柰公何

吳門舟次別周子欽

鑑湖西畔有名賢，理學儒宗重愛蓮。
患難逢君千里外，姓名知我十年前。
寒燈倚櫂思歸客，熱酒圍鑪話舊天。
惆悵吳江楓葉路，不堪回首是桑田。

卻從櫂下感知音，世路崎嶇愴已深。
未必折腰能五斗，誰知賣骨向千金。
江湖久客成輕別，風雪饑驅耐苦吟。
珍重加餐須努力，故人自此亦投簪。

喜見沂兒迎新婦自甬歸滬

海上雙星送御輪，時坐輪舟杭海歸來爭看爛盈門。
堂前喜博重慈笑，地下應銷阿母魂。謂前室勞恭人比我一年遲受室，問渠明歲可生孫。
向平願畢無他屬，此後須知育子恩。

閒居卽事四首

挂冠風味卻清娛坐臥蕭齋作腐儒一點殘膏燈燄死
半鑪寒燼篆煙枯飲空白墮酒腸熱煮老綠沈茶眼麤
昨夜彤雲抽冷雨瓦樓篩下雪如珠

被池瑟縮曉寒侵斷夢支離笑不禁櫪下易僵千里足
籠中難死九霄心閒收敗鼓儲良藥重訪焦桐斲古琴
此後芸窗添寸彙笛龍多作問天吟

書生面目縱全非不療終年臣朔饑三宿醉甜新熟酒
隔冬香褶舊生衣潮迴北浦鱸苗健草輦南沙雉牡肥
一櫂壺觴鑑湖地名秋水滿故鄉何處拚柴扉家鄉屋舍被燬

轉蓬身世九迴腸雞助功名廢淺嘗蠟樹黏枝徵壽相
瓶花折幹抱生香錯教書補十年讀莫便才將五斗量

重上強臺非故我此生曾見一滄桑

感舊

作絲猶未盡春蠶顛頓形骸對鏡添步月經年生髀肉
帶霜三寸吐吟髯光陰半逐桑榆晚宦况無如苜蓿廉
記得兒時書味熟萬山雲樹一茅檐

挑燈佐讀是何人轉瞬紅樓迹已陳錯被詩囊驚蝶夢
綠雲詩以胡蝶吟絕筆獨留文祿伴鯀鱗繡紋易冷香絨唾花讖
難添弱綫春不道遺雛今有室好修榛巢奠慈親

甲子除夕

寂寞香鑪熱冷灰叩關剝啄故人來門稀車馬茶鐺歇
味熟家鄉酒甕開塵市歡聲騰爆竹畫堂春意覺盆梅

可堪世事升沈異不上強臺便債臺

元旦始見梅花開時先立春十日也 乙丑

章臺楊柳三日眠吾家老梅眠一年爆竹春聲鳴百里
萬戶人家同夜起虬龍偃臥始惺忪鱗甲驚巖蓓蕾鬆
一縷寒香蘇鼻觀冰魂抱樹僵難喚蛟香湘妃瘦立斜
神僊夜降萼綠華荳蔻胎含隔年老巡檐笑比春山早
向日枝頭雪顆肥鶴雛凍死黃蝶餓點點春痕繡玉骨
畫中欠此燕支活空庭扶月上危欄美人不來燈影單

馮筱雲董樓重駐芸堂話舊圖

樓在南匯爲董文敏故蹟咸豐乙卯筱雲宰是邑葺
爲課土地並陷於賊甲子江南肅清重遊其地繪圖

徵詠爲作是詩

神僊下降辭玉京謫居人世縻塵纓未許畢生讀書史
動與俗子爭功名譬若彩鸞娟娟寫唐韻羞爲乳媪哺
嘍嬰又如子登彈璫不終曲忽操井曰炊香秬琅嬛寶
笈萬卷掩左障錢篋右金贏人閒第一殺風景宓琴燒
棄箠楚鳴一行作吏此事廢况今世上多機槍託言用
武厭識字掄才大典輕書生吏途從此敢枵腹見聞萎
陋面目儻豈知文章自古足經世塵中皎皎鐵中錚修
文何必定偃武虎帳自有談經聲大樹將軍老嗜學硯
田多歲筆舌耕讀書未竟莫求仕一盤苜蓿當大烹

會任

廣文天生我材不能沒廢書捧檄東南行方隅作宰下車

治牛刀試割先小牲

後擢縣令任南匯

訟庭花落閒裏坐追尋

古蹟揆茅衡華亭董氏讀書處老屋猶存三兩楹

南邑有香

光樓卽董華亭讀書處

公餘小憩心向往古人如見晞牆羹雨點

苔衣暈殘碧風吹書帶抽新莖談詩把酒挈同志滿門

桃李羅英英頌聲競作寮案而考課屢最疆臣驚烹鮮

游刃裕如此此材不易人爭迎治定彈丸拋小邑力持

綯明任專城盤錯當前利器衄獨木不朽大厦傾

賊氛逼近

蘇垣適公調任元和城亦陷

嬰城死守存碩果孤忠耿耿縣星精穿

臂渾忘箭瘢赤打頭猛聽刀鏗鏗身經百戰受百拋流

血及屨一足蹙毀家紆難腰纏盡臥薪嘗膽還從征王

濬樓船重入礮亞夫細柳復成營助戰功推契丹首乞

師天鑿包胥誠

謂捐助戰船事

將星如斗聚南極蘇臺麋鹿爲

鯢鯨三十六邑平如砥渠魁授首降卒阬論功奏凱湖

偉績山河半壁誰支撐李廣難封數不偶馮唐易老守

益硜不求有功但無過事功志節交相并露布大書嘉

鞅掌剡章褒賞昭公評

肅清江蘇論功復職

盤帶依然褫復錫相

如完璧光晶瑩歸來重聽南沙雨舊遊強半栖颺颺

下焦桐餘蠹簡道旁叢棘眠雕甍鬼神呵護地十笏危

樓風雨明孤檠紗壁重籠舊鴻爪草堂三過新鷗盟神

僊安得居俗地荷花一笑秋水清位置斯人有天意半

生去住鄰蓬瀛以官爲家宦爲海風濤既息心地平晨

星落落此話舊耳根清淨無琶箏待買亡書足娛老五

車情重一官輕

聞越中醪河故居燬於賊

飲取醇醪三百年城隅環堵本蕭然門前十畝鑑湖水
郭外一尖梅里煙隔岸每聞沽酒屐推窗先見賣魚船
兒時風味猶堪憶一點書燈屋幾椽

雁行三五此垂髫

從兄弟八人皆生長是屋今存者半

南澗分流第二橋

乳燕成巢先作客嘯鶯戀樹未遷喬九齡錫夢田園樂

家君引退時年已八十

重耳思歸歲月遙

隨侍唐昌十九年

難得高堂扶

老看牽蘿還補舊蓬茅

高曾歌哭已於斯莫問呱呱我泣時風木餘哀行路感
滄桑浩劫鬼神知家徒四壁餘殘燹庭有三槐賸遠枝

余仕吳門松泉
姪兄弟並仕閩

自問天涯漂浪迹門楣重創十年遲

送家午亭同年

章錫

入都應試

彈破征衣萬斛塵生香不斷杏花春十年一噩滄桑夢
五秩還留富貴身自有青氈完故我休將白眼怪途人

風流此日推前輩海上先扶大雅輪

時乘輪舟來滬

名場鏖戰幾時同難後相逢似夢中驛路鈴聲孤舊侶
木天花影竹衰翁瀛洲草爲君重綠宦海塵羞我獨紅
一別雲泥容易隔河梁分手莫怱怱

立春前一日

初八

迎得東皇輦路賒已過人日見韶華春
漸夾道馬蹏齧凍雨一鞭牛背塗

宅切

檐下半缸收臘水

是日雨猶階稱臘水

階

前六出埽冬花

是日雪猶稱冬雪

曉鐘未動莫復睡且喫龍團

雪煮茶

元宵書感

身世茫茫兩不支一痕霜雪上吟髭
書因亂後藏多缺
裘爲春寒典較遲詩格蒼涼摹古得
人情冷煖罷官知
登樓兀自挑燈坐夜半雷聲落酒卮

門前羅雀長蒼苔絲竹東山一曲哀
明日大難風雨至
百年多故鬢毛縷成行燭淚愁痕熱
扶病梅花笑影開
未了尋常行處債忽驚鄉信故人來

浩然煙海一浮家燈火街頭感歲華
鶴腹先饑糧未乞
蟹螯將熟酒初賒居原無竹胸成竹
夢不生花眼有花

一閉蓬門忘理亂何時能作井中蛙

立春十日雷雨連宵繼以大雪

神龍大蟄閉雪海萬里東風吹不解玄冰十丈環晶宮
鱗甲無溫團鐵鎧豐隆怒吼南山南空中亂閃金蛇彩
天鼓一過一殷其雲車再驟再厲乃昔時鳴夏今鳴春
百蟲舉首策疲殆敢是天門霹靂弓山精走僵木魅駭
明朝大野戰玄黃劍挾銀濤翻渤解銀濤碎作玉屑飛
敗鱗殘甲同揮灑風掣彤雲縈九霄霎時翦下瓊林綵
瓦縫參差霰漏珠簷牙點滴水成爛三日茅檐雨不流
隔年嶺樹雲常在絮飛花落不聞聲遠春流水蓬蓬采
畫裏寒山一尺低望中白屋千家矮道是大裘蓋洛陽

仰戴天恩手承顛忽疑山崩鋪鷲毛素女織織縫百琲
埽來片片入茶鐺大眼爲魚小眼蟹便飲天上寒醜醜
大洗胸中熱礪魄梅枝昨夜聞雷開凍合香唇復含蕾
百花容易度芳年留住春光如有待於今世態况炎涼
朝三暮四容顏改不有連宵號號聲那得朔風冷十倍
一鳴驚人胡爲乎驚人太早天亦悔定是羲和尸厥官
適人誤坐先時臯譬若文章下險語炎炎大言徒費解
豫識春寒未典衣不然幾受天公給魚羔豚炙鹿醢美
人娟娟鬪蘭苳銷金帳煖春難買鄰家日午不開門冷
突無煙多貧餒我本枝頭一凍蠅怕聽西風病搖骸寒
嘶抱翼求冬烘玉樓起粟膚生痛忍冬藤結耐寒花短

檠挑地長吟罷不信空山臥
雪人惟有袁安獨千載將
歌當哭裂層雲喚起僵魂訴眞宰

連宵不寐戲疊雷雪詩韻

重衾十幅春如海夜深對此衣裳解
狐裘著背重如山呼婢脫裘勝脫鎧
四壁無聲人悄然采摠弄影籠蟾彩
熏籠火熱催橫陳十指凍龜而後乃
遽遽就枕欲何爲尙寐無訛庶乎殆
須臾齧人蠅怒跳頃刻處禪蟲奔駭
百憂似炭煎洪鑪萬慮成潮沸勃解
庭前寒月何朦朧簾外湖風自瀟灑
拍肩手炙被池溫探頭目眩瞻帷綵
忘卻紅閨有黑甜毋甯白晝呼黃嬾
筋骸疲茶飢渴并一壺酒尙牀頭在
燈前况有未成詩五字吟安臥喝采

三點兩點鐘自鳴短檠如豆燈光矮迴身聽漏曲左肱
側耳聞雞寒右頰眼中併出火如星金光百道珠百琲
守夜甘爲不瞑魚忘憂除是無腸蟹飢腸到此忽哀鳴
滿腹支離備醜豈爲澆書結酒痂非閒煮雪吞茶藟
錢玉警枕太無端祖生著鞭如有待朝偏寒食夜元宵
我有晨昏天地改漫道一席三遺矢精神陡覺增十倍
何勿焚膏竟讀書令人頓起蹉跎悔祇恐高歌驚四鄰
家人紛紛其于臯月白無須東方明蒼蠅誤作司晨解
託言姬旦思三王夜以繼日將人給明朝夢裏聞晨饑
羊魚之腥羸麤醢幼苦內則盥漱早雞鳴節縱佩蘭茝
而今夜短日偏長千金一刻不容買閉門高臥息交遊

又恐袁安死凍餒亭亭紅日照人醒下牀強步病軀
起視梅花雪裏枝瘦骨生瘤皮起瘡還是神僊怯曉寒
可堪午飯千家罷無官方許終日眠屈指光陰已一載
黃梁易熟邯鄲盧朽木難雕孔門宰

春寒夜坐

西風獵獵敲窗破夜半雷聲如轉磨斗柄春雲箕舌簸
天公欲把春寒作九霄散下珠璣唾戶外雪花如手大
大塊無聲揚坳堞海門月黑魚龍臥雲濤走立山嶽挫
波斯夜受千靈賀空谷梅枝苦僵餓晝裏瀟湘搖竹个
焚膏欲盡燈光悞了了疏煙溫藥銜濁酒一罍漢書佐
詩腸百結愁無奈鬚一莖字一箇鏤冰鑄鐵堅難磋毛

錐凍硬雲箋稜對語芙蓉

小鳥善語

談楚些狸奴附熱來爭

坐天雞五更鳴嬾惰不眠我自勞人瘴未課豚兒先自
課可惜分陰駒隙過恥服鹽車飽豆莖前身蟲負好負
馱硯田無歲空耕播老樹著花難婀娜情險絕悲風
和易水蕭蕭送荆軻

疊前韻贈馮筱雲

女媧補天天轉破日星如蟻天如磨鴻鈞翕扇

平地軸聲

簸擗沙一夕將人作倉頡造字分餘唾堯舜賜張孔周
大渺然天地一塵埃百年起立千年臥萬有一伸什九
挫青蠅知弔不知賀粟滿鉅橋孤竹餓殷土芒芒臣一
个微箕望爽都頑悞寒土空山眠土銚生來平勃甯王

佐富貴逼人無可柰君不見口銜玉勒條足踏金鈴箇
拳騎伏櫪銀蹶蹉誰令肉馬芻秣稷又不見屈宋歸魂
招楚些長沙鼎足騷壇坐坐雕朱顏死麻情美人香草
勞心癯嗟予一燈面壁學僧課夢噩滄桑求寡過不役
屠沽役斫莖悔殺折腰躬負馱無家萋楚還遷播安得
花枝似舊常姁媚東野詩成長吉和天生此輩老駸駸

送窮辭

昌黎作文送五窮五窮茫茫遊太空鬼國千年不識字
知文應自五窮始傳鈔地下值萬錢霎時買貴艷都紙
五窮從此不復窮納贖天曹比素封神祇無種許暴富
江南萬戶祀五通吳俗多廟祀二十年來斯廟圮春酒

羔羊今已矣

道光庚子長白裕魯山
中丞禁祀五通廟盡毀

五窮一旦偃無依

強與文人託知己夜窗風雨一燈明擁鼻低吟鬼聽聲
空中欲攬文章去口涎餓吐飢腸鳴草檠如山塞東海
昌黎千載不復生嗟哉五窮空碌碌求文斯願無時足
下荆襄登隴蜀多少書生老白屋祇怕文章被鬼讀新
鬼讀之故鬼哭壓到行裝輕一粟五窮欲去苦不速嗟
哉五窮胡不歸麋鹿曾經姑蘇臺琅嬛十萬卷一夕化
爲昆池灰驀地南朝好金粉隆隆轟起青天雷可憐焦
土令人肝腸摧弱之肉強之食賊梳兵篋一去不復來
平地擁起金銀堆五窮到此安得心顏開嗟哉五窮獨
誰與海內十年無甯宇三寸錐不如百石弩馬上得之

粟千鬴牛衣紛紛泣儒腐賃春廡下甘如飴賣賦長門
賤於土小人濫兮君子固孔尼再生亦無補繫人之窮
兮窮過汝五窮戀此奚所取嗟哉五窮來不時大窮在
上孤竹兒兩人餓死千古知袁安臥雪爭片刻祇恐臨
邛大令山下來遲遲窮由自作窮而奇爾窮之意不在
斯嗟哉五窮來誰爲自古才人多下位李廣封侯志弗
遂屈原被謫忘忌諱賈誼無年太傅尊馮唐易老郎官
貴窮而得名窮有味爾窮之族非其類非其類窮之來
兮紛如蝟不在斯窮之來兮勞如絲嗚呼噫嘻吾知之
無可柰何歌以詩歌曰窮兮窮兮奚以通耳目母乃太
明聰牙齒生松風砉然長嘯落飛鴻奇語如雷鳴隆冬

嬉笑怒罵謳吟中問天詆佛忤蒼穹有時居邦非大夫
有時作詩譏王公龐然枵腹蠹書蟲底事腳跟如轉蓬
一送窮兮歌一終天風朗朗吹襟胸再歌曰窮兮窮兮
曷有極眾人皆愚爾獨哲求工工藏拙拙不柔而剛不
曲而直長江大河多底石水清無魚成湍激十步高山
八九折四顧蒼茫獨爾立厭與家人事生業但知解衣
又推食窮中卻自強有力磨牛團團走斗室爾蛹吐絲
成百結戀戀柴桑了無益再送窮兮歌再拍仰視浮雲
天地白三歌曰窮兮窮兮升我庭我庭屋漏天光青上
有白日照膽之明星下有驚人出地之飛霆魑魍夜藏
形爾窮遭之吾刃腥三送窮兮歌三成杜鵑嘯血猿哀

鳴四歌曰窮兮窮兮入我室我室巖巖徒四壁藤蘿沿
緣蟻粉齧狸鼠洞穿觀者慄一聲崩墮作霹靂萬仞西
風壓妖孽爾窮知命戒勿立四送窮兮歌四疊夜半疏
籬吹簫葉五歌曰窮兮窮兮侵我居我居環我書我書
一卷兵火餘高會手澤親留畚神靈呵護鎮匡廬此是
吾家赤伏符爾窮撻之肝腦塗五送窮兮歌嗚嗚歌魂
入地萬人呼門外雪深三尺餘亂曰世上昌黎死人間
范叔寒干戈殺賊易文字送窮難吾作五窮歌吾送五
窮去五窮行行且住爲言五窮祇一窮送得命窮窮
鬼空四窮智窮學窮文窮交窮與命窮而五發憤求爲雄況今世上屠
沽桀黠崛起飢寒中送窮不已爭留窮徑須結髮堂堂

決一戰勝似奴顏婢膝仰面齷齪哀五通

吳淞舟次讀柳子厚乞巧文

大造不言造大巧不言巧四萬八千年來天地老不干
天孫手製雲裳好人家兒女太多情豔殺天邊牛女星
一盤瓜果陳七夕金盒蜘蛛將巧乞要替天孫管離別
不怕天孫笑我拙長生殿上天子癡費盡詞人寫生筆
梁谿愚公本不愚遭時不偶苦窮迂臨流先作八愚詠
看月還排七巧圖此時朝廷尙巧力惟公大拙無人識
佞佛不畏韓退之貶州願代劉夢得百金買到鈇鉞潭
廢死蠻峒氣抑塞遠古人文秦已來茫茫八代無全才
文章造命忽憎命叩天不應良可哀能分天巧益人巧

除是羣兒今夕穿鍼臺驀地曹騰老眼開淋漓大筆掇
神異怒罵文章出遊戲先教入世慣逢迎安得居官熟
趨避金丹換骨變脂韋玉露醜容成軟膩乞來此巧世
閒無壯不如人老將智綠章冉冉上層霄笑倒五更靈
鵲橋不圖大手筆來作女兒嬌同時謫居幾刺史羣言
此柳難折腰便是教成鵬鵠語未有不惹黃鸞嘲惟有
此文鐵石梅花賦老女餘態猶妖嬈舉頭擲筆星雲高
畢竟天孫巧有幾織就衣裳空自喜贏得雲羅值萬錢
年年離別天河水乞巧文一何綺美人娟娟隔千里柳
州刺史長已矣天巧如還乞得成嫦娥有藥應長生底
事三千童男女海上抵死來求真

花朝日舟泊吳淞趙屯港避風留別胡小帆二

尹誠

茫茫江水一危舫十里村邊候午潮昨夜北風催雨緊
不應今日是花朝

短篷長槳踏潮行猛聽船頭搏浪聲莫道吳淞江水好
風波都自此中生

隔船燈影照人溫寒夜無歸泊趙屯望見艨艟先乞火
扁舟一繫定驚魂

水驛烏栖借一宵宿僵喚醒凍痕消主人情重須留別
待我詩成卻放橈

鶴

羽衣如雪舞翩躚欲戴修翎向九天赤壁當年飛道士
孤山何處嗣神僊魂歸華表三生石夢斷揚州十萬纏
報道干戈今盡息莫教無事喚風前

亂後贈家伯蘊茂才

浩氣元龍志未休十年湖海擁書遊懷才似子先狼狽
造物將人作馬牛富貴原非千古事文章宜與五窮謀
勸君莫記滄桑恨重剗門櫺是鳳樓

夜坐

一夜雨如綫北風吹戶涼孤燈四壁動寒漏六更長古
硯凹宿墨死灰然冷香瓶笙潑玉乳雪水流瓊漿洞洗
箏笛耳痛淘冰炭腸霰珠篩老屋雷鼓鳴危牀閉戶開

大編鬼神兀在旁

銷衾倚熏籠一夕將人送獨坐難消愁假寐忽成夢衣
單禪甍飢紙薄窗蠅凍寒氈墨如漆老屋壁俱洞千言
快所書十指冷猶弄鮓魚不盈筒醯雞早在甕仰視篆
煙橫浮雲繞空棟

春寒遲百花雲山少顏色嫩雪霏元宵凍雷薄人日潮
聲趁雨來海氣黏天溼草草做裝行勞勞假館息城烏
半夜噉江月一輪黑開卷再挑燈新詩橐初脫呼童視
錦囊夜眠夢長吉

晏起

懶惰無心逐步趨亭亭日午戀牀隅文常易彙腸多滯

語必驚人膽漸靡老去無端消髀肉愁來生怕見髭鬚
夜行晝伏偏疑鼠不是昭關伍子胥

題王九亭小竹里館圖

圖畫竹一林
綴以亭池

摩詰後身還姓王三生石上尋幽篁彈琴長嘯見明月
滿牀書卷排簷管唐代詩人多佞佛清修借作維摩室
朝來暮去三千年山川改觀風雅歇至今不俗惟此君
朝鳴鳳皇夜結實年年春筍出牆高歲歲生孫上碧霄
琳琅玉樹交柯梢上有長松百尺鳴風濤下有海棠曉
雨嬌紅潮小結茅衡此靜坐徧地綠痕不容唾一曲池
亭雲萬个干霄直上天爲破主人對此方藏書捧檄情
殷難久居付與兒曹勤灌溉輞川繼本臨湘湖冲天烽

火西冷急左右森森留勁節畫圖一卷寶家傳破屋三
間逃浩劫明年兩浙罷干戈比戶昇平徵詠歌留客要
人重埽徑克家有子看登科此圖常在主人側翠是煙
霞綠是雪夜深枕畔簌簌鳴紙上秋痕動寒碧我披此
圖風塵間喜見一幅青琅玕老幹何盤盤滄桑無改長
平安坐看鳴珂歸去把作珊瑚竿

補勤詩存卷之六

補勤詩存卷之七

山陰 陳錦 晝卿

閒居遣興下 乙丑

吳門卽景

胥城迤邐接山塘
百里人家瓦礫涼
乳燕銜泥衝冷雨
寒鴉抱樹送斜陽
燹痕似血故華屋
鬼哭有聲新戰場
留得護龍街一闕
炊煙不斷市塵香

任牧父秋樹盦填詞圖

牧父善刻石精篆隸

休文作官韻吟詩添一難
元人喜填詞手足甘拘攣
清廟明堂詩一唱再三歎
降爲蔓草零露溥筆墨歌舞琴
箏彈美人在旁淚汎瀾
拜月西廂化工手畫工一曲琵琶

琶醜中藏鐵心外繡口汀蘭沅芷長亭柳誰爲屈宋牛
馬走牧父任子嗜古人手持鐵筆重千斤切玉如泥藐
漢秦瘦骨母乃太嶙峋纖詞綺語自爲春灌樹垂青塞
門戶樹根團團黑劫土牧父對此樞石鼓老幹移情好
花吐聊以新詞豔古處樹扶疏詞敷腴妖嬈女老意態
姝吟魂悄悄倩人影孤我住陶公宅一隅燹痕窳地楊柳
枯山海神經讀得無要借牧父秋樹圖寒燈聽斷小樓
雨深院無人號鷓鴣

客吳門遇雪

無花消卻二分春老屋陰寒夜中人十畝瓦場新鬼哭
北風吹下雪如銀

眊耗行窠雨雪中寒燈消受五更風讀書有分莫求仕
一掾飄零逐轉蓬

卜居

沍雲天色向人低捷徑人人印馬蹏夜雨似嫌花早發
東風難禁柳重稊野彥隔巷冷猶吠巢鶻危枝寒更栖
我欲卜居問漁父桃花流水斷橋西

時聞桃花橋可居

大雪懷馮筱雲寄葉山房以詩代柬

今我不樂思將軍將軍卓犖空人羣此時一葉寄嘯傲
當年大樹薄功勳看破世情同一紙胸中無妓大程子
宦海茫茫只如此嗟予少讀十年書紅塵見獵心常喜
心常喜非得已臣門如水臣心市叵堪皓首躬米鹽未

免折腰博甘旨質之將軍曰不然死生有命富貴天莫
似楊朱哭歧路何容祖逖爭先鞭東風無端活小草烈
火未必生紅蓮今日將軍不愛殺不愛錢不愛人家呼
好官閉戶愛參一葉禪昨夜雪花大如席鑪火純青篆
煙碧座上有談風月客我來問字一停車到門不叩聞
讀易囊琴無聲劍氣白門外雪深已三尺

擬續圓圓曲

吳祭酒圓圓曲驚才絕豔傳誦迄今而未及圓圓爲
道士事吾鄉陶篁村先生曾作續圓圓曲然又畧其
始事也予爲集二曲之成更續之

天生佳麗爲英雄一代興亡寄女戎不是美人能激將

平西誰與成奇功九重城闕烽煙近百隊星旗剛北引
祖帳深心蓄老臣戎裝醉眼怡紅粉含羞凝睇立瓊筵
對酒呼來燭影圓此日目成憐將種舊時猶語謝天顏
銀鞍輾輾馱花去一曲嬌鶯啼不住鐵騎塵腥玉鏡昏
鴛鴦夢淺金牌如封侯密約幾多時尺寸山河竟不支
聞道鼎湖風雨惡攀髯無路玉關知全軍縞素勤王獨
還轅絕塞歸何速招降千里父書來不信真龍眇一目
陽戈返日指長安勝算先知賊膽寒鎖院儻留紅拂在
墮樓生怕綠珠難一羣偵騎連環報聞警從容強談笑
第一關心問玉人耳雷鼻火衝刀鞘雪壕銜枚眼欲穿
冰天喋血戈難倒將軍何幸獨多情萬馬長驅西南行

可是邊臣眞報國卻教狂寇果傾城尋仇氣結知誰爲
抵死窮追無曉夜自從一片石交鋒連營轉戰空燕代
卷甲權辭孝子名惜花曾下忠臣淚提軍倉卒掃欃槍
萬里城開款義兵馳節程遙畿輔撤乞師情重漢關輕
小喬何處嘯金屋催起周郎先逐鹿元戎辛苦玉顏愁
酬庸合許明珠復蓋世功成兒女癡侏家計短江山哭
瞰雲陡亂覓花容銅雀臺高夢不通馬首枉追窮寇北
蛾眉還在帝鄉中蛾眉宛轉千軍送紅塵一騎香花供
不道生歸願竟償比之割愛心尤痛喧天簫管豔秦川
倩女驚魂貼錦鞵畫燭成行停戰鼓嘯妝滿面下雲駢
漂流茵溷燕支瘦舞衫歌扇朱門舊斜谷秋零斗角聲

洞房春換霓裳奏金牛古峽鳳皇巢萬斛珠愁一翠貂
回首澣紗谿畔路天涯何事不魂銷玲瓏慧舌馴操琴
生小吟眸識鄂襄可憐夫豈侯王貴郝陽蘇臺傾海內
全家白骨任瘡痍絕代紅顏莫顛覆官將專闢易專房
二十年來鬢不霜一炷旃檀勤懺悔再休垂老睹滄桑
吁嗟乎美人良將同千古照耀日星樹旗鼓項王老大
更無謀誤殺虞姬死贖武錯被人間見白頭迷樓返照
鄰黃土至今彤史勒蘭苕笑倚青雲繡纛高均礫芳名
窺月滿團樂小字潑天嬌不將晚節汗金粉劍氣珠光
殿勝朝

和錢揆初復園感舊之作仍用李冰叔原韻

復園

在姑蘇城北時
爲撫院公廨

樓頭鐘鼓動黃昏，鎖院春深望戟門。
好與園林權作主，獨留花月未銷魂。
追陪東閣多詞翰，聚散南柯有夢痕。
寄語遊人休駐馬，於今庭榭五侯尊。

曾逐風雲共變遷，雪泥鴻爪兩茫然。
思歸杜宇嗁難住，扶病梅花笑不嫣。
百尺長松都拔地，三生奇石也擎天。
舞衫歌扇承平事，枉費人間買酒錢。

再疊前韻

王榭堂前煙樹昏，百年歌舞慣朱門。
庭花閒落鷓鴣雨，宮草驚銷麋鹿魂。
畫壁沖開新劍氣，紗籠磨盡舊詩痕。
湔裙盛事空相憶，風月清談換酒尊。

滄桑一瞥易推遷賦雪梁園總惘然彈破驚塵花濺淚
喚回噩夢柳含顰空梁燕落春三月喬木鶯啼尺五天
惆悵樓臺金碧舊幾人傾盡買山錢

吳門主王臥山臨行留別

時臥山流寓吳中將官汴梁

冷巷怯行人孑然起魏第路崎軌不旋晝靜戶常閉開
門見墮垣奇石當空睨孤樹死中庭燹痕若垂涕寒齋
足迹荒三日苔平砌鄰稀雞唱遲城遠笳鳴細老鴉作
人聲天明語林際新鬼愁清明短牆哭薜荔礎潤汗生
珠樓高塵張翳主人胡久居坐使行程泥當著祖生鞭
乘時卜利濟莫戀架上書課兒自流憩我今無斧柯沈
思迫歸計與君輕別離握手淚沾襟萬里嵩山雲送君

夢迢遶君行河之滸我投海之裔明朝揚孤帆春風苦
狼戾

釋地篇

漢張衡述渾天之說謂天地狀如雞子天包於地周
旋無端晉葛洪云天形如雞子地如黃周天三百六
十五度四分度之一半覆地上半繞地下二十八宿
半隱半見宋何承天云天形正圓水居其半中高外
卑水周其下梁祖暉云天形內圓如丸半出地上半
隱地下皆因渾天而主地平之說也惟唐楊炯渾天
賦云天如倚蓋地若浮舟又云天則西北旣傾而三
光北轉地則東南不足而萬穴東流比於圓首前臨

胸者後不能覆背方於執矩南稱明者北可以言幽
似不拘地平之說矣 國朝洪亮吉云伊犁地較西

安高八百一十里見元和郡志故初一日卽見新月

北江紀事詩所謂月朔新蟾已抱肩是也按西安居

陝已爲輿圖西北高處而伊犁尤高則正西之葉爾

羌正北之唐努山烏梁海更可知矣地平之說尙可

泥與幼時讀書至此心竊疑之長遊四方畧有見解

知所謂西北高而東南下者又觀日出時刻隨地不

同益徵其信

予於乙丑閏五月初二日由滬杭海初四日抵直沽測日景出較滬早一刻五

分入較滬遲一刻五分直高

作釋地篇

終日戴天不見天何異捫燭叩銅槃談天之家積煙海

遙遙聚訟千餘年或將天體比蓋笠笠於何戴無其說
或云天形如卵地色黃天周四面地中央元氣渾淪彌
六合海底一掾生光芒我昏彼曉互晝夜日月出沒上
下翔無端畫出渾天儀地平橫亘指八方下方人民顛
倒立鴻鈞大力相扶將鑿井見天聞雞犬傳會益復恣
荒唐眼前第一易曉事羲和已死紛猜詳我生更遜古
人智讀書萬卷滋疑義四十年來昂首觀忽然耳目周
天地嗟哉地平本不平西北高起東南傾譬若長梯倚
空際繞梯日月纏腰行輕清上浮氣之積重濁下墜斯
成質大清大濁分兩頭上下判然混沌闢四海爲我大
仇池扶輿橫空插片石茫茫池底劫土牢天之所棄人

不識蓬萊日觀瞰東溟西竺崦巖變山色神龍下海幻
島夷拱護寰瀛見餘力誰言地下天再明安得濁底還
復清禽鳥綠枝賴爪翼豈有生人能倒行輕清之光燭
萬仞二曜三辰自輝映南北極星皆天樞北樞貫頂懸
中正南極下紐無可名入地依稀渾不定自頂以下躔
度盤近頂度窄離頂寬譬彼卵形腰圍廣笠邊四敞笠
髻攢笠髻但容星宿聚笠邊日夜走雙丸雙丸總向輕
清走腰圍已下色漸黝蜿蜒怪物黑處蟠幽谷千年不
見斗斜梯卻在腰上橫畫行梯前夜梯後梯後最北前
最南梯東是左西是右自左向前東方明自右向後西
方否就令梯後別生人我昏彼曉理則有誤將前後泥

高低入地出地眾說歧不知周天三百六十度大半梯
前羅弈棊但聞南檐納暄曝不聞北牖迎炎曦高寒舍
短臘暑促降暑途長夏漏遲北陸高騫南陸下祇今片
語足解頤又况天各一方地勢隔日月出入候非一五
更山寺延朝暎平野柴門燈未滅窟室幽居夕照沈千
尋樹杪斜陽赤向非地勢多不齊胡爲朝昏異時刻一
日金烏一去來此方卯酉彼寅戌萬人熟視成夷庚僅
拾梯中階一級八閩峻嶺兀僊霞總是岷峨水底窪黃
河北來江東注並與海若爲通家造物慣以水量地高
下相去恆河沙燕子南飛日來降自上下下理不差釋
氏稱地須彌山窺見大旨是崑崙萬古濁氣無上騰天

清地甯人事嘉當年康節邵夫子天津橋上一至止彷彿如聞杜鵑聲便知地氣逆行始先生占象若神僊觀星臺上渺司天日圭測景低幾許地脈墳起濁氣扇衝軸潛移天不覺晷刻所駐殊昔年當卯而寅酉則戌全涌五嶽敲垓埏靈鼇倦戴首健舉支祁石鎖相鉤連長庚一星晝夜白海波騰沸吞百川斯時會有聖人出削除欖槍舒地脈人物得所政事平山川效靈水土宅俯視方隅磐石低惡氛蛭伏靜如貼太史素稱句陳明萬里無塵太華碧

清明後一日泊舟青浦作青谿田家詞

黃浦江邊潮水清吳淞江上潮頭平來日是花朝去日

是清明菜花黃過稻秧青

一解

桑葉大如掌早蠶今不

生桑閒美女踏歌行童童蠶室換茅衡

二解

有田無人田不熟有人無牛耕不足積得買牛

錢一籠輸作田捐值斗粟明年依舊完牛穀

三解

賃牛值穀日

穀嫩日初晴谿柳綠棠梨花下雙鳧浴柴門三五開紅

旭莫向鳳皇山下行鳳皇山下行不復外國將軍張大

蘇

四解

時戈登以外國人教練鎗隊尙駐鳳皇山

三過青谿憶壬戌四月督夷兵破賊事

卉服元戎意氣豪

法國提督卜得祿提兵二千克青浦尋破於敵

火攻聲震九

峯高災黎面目驚長鬣

謂賊中居民已蓄髮年餘

狂虜頭顱乞二毛

時呼賊長毛其新脅者曰二毛

此地當年磨盾墨幾人同日擁鞞刀

時

從軍者倪笠坪大令葆仁高又村大令樹
森陳寶渠二尹福勳姚琅圃二尹錫爵
輪舟載有千

斤礮不啻重墮似鐵牢

藉衣漆面結虬鬚借得雄師直擣虛說越何人先陸賈
乞秦有我亦包胥頻誇指日成禽約預擬明朝報捷書
莫道軍威資借助江南奏凱此權輿

青谿風月總無邊五國旌旗在眼前
英法美三國與布魯斯印度而五

江上已傳千旅至
謂淮軍海隅爭拔百城先雲梯夜奪登

陣鼓露布晨馳踏槳船一卸征鼙憐故我罡風吹下大

羅天

片帆重過抱行窠閒話桑麻觸逝波受脅但言新賊少
歸農那得老民多瓦場續斷編籬落燐火蒼涼哭薜蘿

同是人間離亂後長官藏拙漫催科

三月十四日雲間道上過馮蓮士

秋風何處不鱸魚春水壺觴是舊居脫卻朝衫無箇事
歸裝添重一肩書

棠梨花片柳絲條三月披裘放畫橈散髮閒吟天不管

隋帆斜破四江湖

渡四江
口得風

戍樓天半夜嗁鴉話到愁邊夢到家一敝廉纖寒食雨

東風吹冷暮城笳

蓬窗得得背風開兩岸陂陁長綠苔一舸煙雲誰顧問
忽驚笠屐故人來

三月初八日懷春明應試諸友有感

三條紅燭聽春蠶，矮屋千人筆戰酣。
楊柳東風剛日下，杏花春雨又江南。
五陵同學平生愧，一第成名夕死甘。
可柰中年沈宦海，頭顱如夢鬢藍鬢。

彈冠何事效東顰，浪博知音卻誤人。
壽世功名矚白眼，著書年力敗紅塵。
強臺易下身還健，老硯難焚戶不貧。
祇是無緣脫鞭鐙，奔躡餘悍未能馴。

返權春申夜泊白蓮涇

春風無力送輕檣，一角殘雲冷雨斜。
腰痠頻應移帶孔，沈休文移書徐勉言。
已老病革帶常應，移孔以手握臂率計月小一分見南史。
眼昏時欲翦燈花，讀書始覺辭官樂。
避亂空餘未造家，怪底江潮間不
過朝來暮去逐年華。

懷家子莊甬上

百年清放一儒巾，瑜亮同時並絕塵。

一時吾浙人才有，二陳之目予固罷。

官子莊亦快快。捧檄何心原養母，買書無力轉憂貧。鄉關乍度滄桑劫，門戶難收蠅屐身。莫道文章能造福，寥寥瀛海幾詩人。

輭紅塵外有強臺，海上行雲自去來。幸在盧前君未仕，不如人處我多才。賦成枯樹雄心死，修到梅花冷眼開。除是愛名還若命，鬢毛何故雪霜堆。

述懷

閒從百事數循環，造物常多未破慳。坡老本來官玉局，鄧通終竟失銅山人。閒風月藏無盡海上潮頭去，復還

惟有高材天不限詩腸酒胃絕塵寰

擬王漁洋和窟室畫松歌

泰岱五封夜雲碧飛到人間觸片石摩空健筆描生龍
萬里長天縮斗室層陰羃歷生畫冥鱗爪蜿蜒疥空壁
敢問此畫作者誰黃門孫氏營窟爲有客前身吳道子
眼觀劍舞十指揮夢浸滄溟海氣溼波濤誅宕天風吹
雪幹驚雷鐵骨斷霜皮溜雨蒼髯垂如聞大聲赴眾壑
颯然盛夏蒙涼颺我來此室憚逼視怕睹高寒決目皆
千山夜氣孕苓芝五月飛霜攀鶴翅偃臥靈巖鬼魅驚
蟠青鬱翠拉星精老壁有神飛不破仙機珍重留雙睛
吁嗟噫嘻乎今人有畫不如古古人畫松如畫龍古人

畫石如畫虎龍吟虎嘯畫有聲下筆千年作風雨千年
風雨塞幽居面壁幾人還著書

何叔杭索觀詩集並呈陳梓庭太守詩以謝之
麤才容易受人知已是顛毛欲雪時宦海漂蓬還下第
浮生勞草况吟詩作千秋想天尤妒讀十年書命更遲
生就文心愁裏好逢人從不慣諛詞

持籌海屋閱三年幾輩名場先著鞭有數錯偏將我鑄
無多才竟被人憐蒲帆白舫催歸夢布鞵青鞋養拙天
排日爲詩忙底事閒庭風月自娟娟

出處難安兩可身鄉闕多故賤儒巾彈冠空值王陽仕
乞糴常逢鮑叔貧少負才名偏作吏老談文字頗驚人

杜門漸覺新知少始信書生面目真

送陳梓庭太守

嘉幹

歸淮安

落落才名數建安磨穿盾鼻墨初乾江湖老健遊千里
詩酒縱橫耐一官不信文章知己少獨懸肝膽照人寒
卽今在位多王古何處先彈貢禹冠

持籌海屋息車塵卅載書生面目真宇內交遊多轉轂
江南風雅此扶輪滄桑殘夢榮歸賦潦草行程吏隱身
明月清淮珂里近可堪黃浦送君人

梨花疏雨餞琴尊皇路清平感 聖恩兒輩功名驚屐
齒歸裝書畫伴桃根烏唳白下新詩句鶴上揚州舊淚
痕同學少年多不賤封侯骨相且休論

補勤詩存卷之七

七

和賈筠巢太守

益謙

六十自壽詩用年字百韻

服官自古多強年六十指使七十傳吾謂此語殊不然
朝廷分職資旬宣誰與吾民共周旋良二千石郡一員
畀以重任久且專初膺民事才茈茈周行芄野歷田廛
漸知疾苦心殷拳痾瘵在抱情纏縣民良吏久生因緣
譬之名將老幽燕書生三十抱寒氈青燈坐冷木榻穿
一行作吏心旌縣十年聽鼓遲遴銓循班按秩苦拘攣
壯歲不握尺寸權老大奔走紅塵邊銅符一綰沈痼痊
僵桃代李移星躔募戍惟恐瓜期愆公庭傳舍輕棄捐
買山但計歸囊錢丈夫舉念民物連到處使人頂祝虔
宰官身是壽者賢願與此邦作彭錢雲間太守雪滿顛

風流三晉孝廉船

公山右舉人由邑令游升觀察

治安家學精銳研爲

民父母揮蒲鞭鳳毛蔚起何翩翩手持玉尺步花甄

長君

瑚入翰林任湖北學使

太守是粥還是饑憂民兀自巡桑田東南

大劫方迤邐山河半壁餘瓦全戎衣短後據鞏驍登陴

親見狼烽煙支持殘局駐星駟

初復松江公率常勝軍守之年餘屢挫賊

大

將旗鼓下長川

謂李少荃宮保

羣凶膽落張空卷一驅五馬曰

舍旃郡邑萬戶涕漣漣攀轅臥轍衛巷填堅留太守母

言還太守對鏡覽雙鬢幸茲腰腳猶蹩躄乞師萬里連

于闐再騎怒馬射霜鳶

曾與夷兵會剿連克所屬

諸酋一見脫兜鍪

令公猶在萬國便歲逢周甲開瓊筵醉翁亭畔佳賓延

恨不棄官封酒泉使酒如兵壁壘堅登壇毋戰鼓蕭蕭

舌顛上橋指爪卷冷然絲竹嬌嬋娟歌喉一串珠璣駢

桂子開時春蟾圓琪花瑤草生庭瑱

時聚飲
桂子廳

荀香郁郁

蘇龍涎大棗如瓜爭鮮妍中堂金炬明娟娟道是文郎

歸院蓮五陵同學珥貂蟬幾輩扶杖還隨肩主人首唱

甲子編賤子執筇踞筵前詫公詩筆大如椽天河之水

流潺湲五星夜渡珠光聯吾儕聚飲卽喬佺膚詞介壽

空相沿頌公片語題華箋江南老吏公最先周知民瘼

勤惠鮮恩波煦育良不偏手彈南薰調五弦海氣煖炙

三山巔櫬槍旣埽王道平追呼免緩法令蠲凱撤舊伍

歸新阡爲民賣劍買烏韉招徠鴻雁毆鷹鷂猛虎化作

馴羊眠天風浩蕩淑氣扇吾民望公心目哨憂公一歲

三起遷不然衣錦返珠淵朝衫歸去兒孫牽如蒼生何
無與憐公毋言去公鬚玄飲公斗酒詩百篇願公再住
歲三千富貴壽健行地僊長與吾民共醉壺中天

松江舟次

野航燈火照人行輾轉蓬窗夢不成春水有聲風信惡
夜潮無力月弦平煙橫周浦上海縣西三十八里孤村晚浪撲龍
華十里晴兩岸梨花雙槳雨從新句起別離情

四月初九夜泊松江唐橋營次

南風吹老麥天秋細柳長營駐陌頭十畝桑柔樵採盡
養蠶時節不聞鳩

人煙荒寂暮雲消隻戍樓邊一斷橋說與老農還記得

菜花黃過插青苗

三閒茅屋自成村鋒鏑餘生什一存買到耕牛春已晚

朝朝扶杖倚柴門

中丞派員至各省採辦耕牛未至而農期已失

領得犁鉏與紡車長官加意促桑麻可憐比戶經焚掠

漏網丁男有幾家

錢慎菴太守以紡車農具頒給窮民

潘琴軒觀察

鼎新

觀兵於松江郡北唐橋鎮

九峯山上山翠平三泖湖邊湖水清

九峯三泖爲松江青浦之勝 舊

日千家聞野哭今朝萬戶餉春耕萬戶春耕停繡陌此

地將軍臨畫戟五營屯成掘雲閒

時分紫唐橋者五營

火攻百鍊

操神策

鼎字十營均習西洋鎗礮

連珠礮響震巖阿諸葛胸中壁壘

多組織西洋新礮法鎗光矛影閃金波始焉兀立如山

重須臾發地銀濤涌毀方爲圓妙折旋神龍首尾還相

拱

謂方

長城十里鑄金隄雁字橫排

謂橫忽

地風吹雲影散重巒疊嶂隔東西最是循環關妙術雙

鎗比耦居中出兩旁背立讓中行立者還行行者立

連環

敵

剝蕉抽繭緒無窮倒捲行雲去若風萬籟無聲旗影

直馬蹏高蹴輾塵紅吐咤成雷汗成雨火牛燧象紛難

數飛彈沖天落怒雕空卷指石驚虓虎縱橫顧盼氣如

虹法變諸軍迴不同步伐從心圖畫裏

公繪敵圖十數使各營操之

指揮如意口號中

洋人行敵專用口號不事旗鼓今從之

將軍威望傾中

外登壇曾下羣酋拜社鼠城狐不足平驚濤坐鎮支祁

怪三吳諸郡埽欂槍

去年克復浙西嘉湖郡縣皆公首功

但願江南不用

兵父老攀轅瞻虎節嗷嗷鴻雁尙哀鳴撫軍

李少荃遠宮保

慮籌全局以公留守當休沐火器開花

時方習落地開花噉習所

無免教奇貨居他國

一切洋礮火器漸歸軍中自製

從來奏凱輒班師

正是三軍示弱時百戰餘威新解甲令公猶在要人知

極目重洋成孔道海天自大扶輿小中原多壘將星高

時淮徐又不靖

憑誰氣壓三山倒明朝大閱鳳皇山

在郡北二十里卉

服戎官喚契丹一代軍容添壯闊吳淞江水海波瀾

過鳳皇山洋鎗隊駐紮處

天威震疊四夷同百戰軍聲海上雄水面飛輪無脛走

雨中流火自來紅乞師大有書生力

洋鎗隊始自吳曉帆觀察夷兵會剿

始自應敏齋太守

破賊難忘容將功

前有華雨後有戈登皆著戰功以夷人受中朝一品

官一掾勳名成蓋世鳳皇山下問梧桐

再過雲間別馮道士

十年兒女易傷情壯歲無家亂未平
貧裏求官歸得否與君同病復同庚

相逢作別最相思冷眼看人賴有詩
除卻汪倫能送我桃花流水總無知

錢江退潮歌

辛酉十月浙東全陷省垣被圍張總統壁田軍門王
良自嚴江退師來援舟抵草橋門外奪沙地賊寨爲
營背水孤軍死戰繫月晨夕禱祀潮水爲之不來瓜
皮小艇皆達下流估檣畢集遂安水營嗣因重圍不

解日久無援卒以戰沒越八日而杭城竟陷時有陳

游戎

明龍

爲張公舊部言之甚詳

登高邱而望故鄉夢見錢唐海水之汪洋素車白馬雙
魂翔不畏尖山石骨水底橫鼉梁祇爲前有吳越錢家
王鐵機神弩千鈞張後有再世張睢陽早晚朝天一炷
香孤城三月圍如鐵孤軍死戰沿沙磧背水餘生裹糲
多城中城外糧同絕甘賊肉充我飢拔賊寨豎我旗萬
人登岸踏賊如泥舟師夜逐江湖離恨不倒退海若降
馮夷惟公之誠海可徙山可移銀濤喧鼓全軍駭我公
血淚臨江灑此身未死爲江南援師盼斷公猶在潮神
望氣莫敢前靈鱗避舍穴重淵蘆花風向西冷偏

西冷
卽西

興
喜見沈江鐵鎖半結玄冰天戰船重疊環民船疑是
神人夜渡來投鞭不然精衛成羣銜石填英雄困死天
心憐此水一清三千年身關氣數非戰罪至今碧血未
冷窮江邊

補勤詩存卷之七